

NKF tawar dialisis percuma kepada Naimah

ALOR SETAR – Penderitaan seorang ibu tunggal empat anak yang menghidap penyakit buah pinggang seperti disiarkan dalam akhbar *Kosmo!* semalam, mendapat perhatian Yayasan Buah Pinggang Kebangsaan (NKF).

Pengurus Kebajikan NKF, Loo Leong Heng berkata, pihaknya menawarkan rawatan tersebut secara percuma kepada Naimah Abd Razak, 39.

NKF memiliki dua pusat diali-

sis di Alor Setar dan boleh membantu pesakit miskin seperti Naimah mendapatkan rawatan yang optimum secara percuma.

“Pihak kami juga akan menanggung kos pengangkutan dari rumahnya di Jitra ke Alor Setar untuk menjalani rawatan itu,” katanya ketika dihubungi semalam.

Menurutnya, bantuan itu adalah untuk jangka masa panjang atau sehingga Naimah mendapat penempatan rawatan di hospital

kerajaan.

“Sekurang-kurangnya ia dapat mengurangkan beban Naimah,” katanya.

Kosmo! semalam melaporkan penderitaan Naimah yang terpaksa menjaga empat anak termasuk dua daripada mereka menghidap autisme setelah berpisah dengan bekas suaminya pada Disember lalu.

Lima beranak itu hidup dalam keadaan serba kekurangan apa-

tah lagi ketika Naimah terpaksa menjalani rawatan dialisis sebanyak tiga kali seminggu disebabkan penyakit yang dihidapinya sejak setahun lalu.

Setakat ini, Naimah memerlukan kos sebanyak RM450 seminggu untuk dialisis di sebuah klinik swasta di Jitra.

Disebabkan kesempitan hidup, wanita itu hanya berkemampuan menjalani dua kali rawatan seminggu.



KERATAN *Kosmo!* semalam.